

CLASSIS V.

D. E.

MORSULIS AC TABELLIS.

MORSULI AC TABELLÆ ALTERANTES.

PENIDIA.

℞. Sacchari optimi subpinguis, ——— libras tres.

Dissolve in sufficiente quantitate Aquæ puræ, & clarifica ad ignem ex arte: filtratum coque ad ultimam spissitudinem, idest dum particula extremis digitis diducta refrigerando fragilis evadat. His peractis, Saccharum adhuc fervens effunde supra marmor Oleo Amygdalino oblitum; cumque immixto calore densari cœperit ac lentescere, manibus eodem oleo inunctis plurimum contrecta ac subige, ut consistentiam prorsus ductilem acquirat. Massam deinde adhuc calentem trahere in longitudinem quantum fieri potest, per unicum ferreum parietem infixum assidue ducendo ac reducendo, quousque candida efficiatur. Ultimò priusquam frigore soli-

solidefeat, ab unco depositam supra tabulam marmoream ut supra inunctam extende, ac in partes longiusculas seca, vel in funiculos contorque: erunt Penidia supra chartam amylo inspersam leniter sic-canda.

Ad rancedinem ac tussim demulcendam. Expetuntur etiam ad varia composita, pro quibus æqua portio Sacchari candidi, Penidiis deficientibus subrogari potest.

SACCHARUM HORDEATUM.

R̄. Sacchari albi ————— quantum placet.

Dissolve in sufficienti quantitate decocti Hordei, & clarificatum coque ad eam spissitudinem, ut particula digitis contrectata in pilulam conformari possit: tum postea supra tabulam marmoream projice Oleo Amygdalino inunctam, fervens adhuc ac liquefactum, ut complanari, ac tabulæ coextendi possit. Ante refrigerationem in segmenta divide, ac in loco sicco reponere.

TABELLÆ VEL ROTULÆ

MANUS CHRISTI SIMPLICES.

R̄. Sacchari albissimi ————— quantum placet.

Dissolve in sufficienti quantitate Aquæ Violarum, & clarificatum coque ad consistentiam Sacchari Hordeati; ab igne deinde remotum ligneo pistillo in gyrum

gyrum ducto fortiter agita, ut pelluciditatem amittat: ultimo supra tabulam marmoream universum simul projice, ac ubi complanatum fuerit adhuc tepens scinde in Tabellas justæ magnitudinis. Quod si orbiculares placeant, Saccharum fervens, ac simili ratione agitatum supra tabulam ligneam amylo conspersam guttatim effunde, ut fiant Rotulæ in loco sicco servandæ.

Idem usus qui Penidiorum, ac Sacchari Hordeati. Ad raucedinem ac tussim demulcendam expetuntur.

Non dissimili ratione ceteræ quoque Tabellæ ac Rotulæ ad ignem parantur, quas infra describemus. Eadem ubique Sacchari coctione opus est; quæ hinc propterea coctio Manus Christi nuncupari solet.

TABELLÆ MANUS CHRISTI ROSATÆ

SIVE

SACCHARUM ROSATUM SICCUM.

R. Rosarum rubrarum recentium — uncias quatuor,

Sacchari albißimi ————— libras duas.

Clarificato Saccharo, & ad Manus Christi coctionem ducto misceantur Rosæ optime contrusæ: non tamen pistillo ligneo Saccharum agitur, sed projectum supra tabulam marmoream scindatur in Tabellas.

Ad stomachi ac pulmonis affectus sanandos utiles sunt.

Si Rosarum rubrarum loco adhibeantur Violæ, erunt Tabellæ Manus Christi Violatæ.

TA-

TABELLÆ VEL ROTULÆ

DE OLEO ANISORUM.

R. Olei essentialis Anisorum — drachmas duas,
Sacchari albissimi — libras duas.

Clarificato Saccharo, & ad Manus Christi consistentiam ducto, inter agitationem instilletur Oleum Anisorum; eoque probe commixto fiant secundum artem Tabellæ vel Rotulæ.

Usus in stomachi vitiis a cruditate.

TABELLÆ DE CHINA-CHINA.

R. Sacchari albissimi — libras duas.

Clarificato & cocto ad consistentiam Manus Christi admisce

Extracti Chinæ - Chinæ — unciam unam.

Agita fortiter ut perfecte dissolvatur: sub finem adde

Cinnamomi subtiliter pulverisati — unciam semis.

Et fiant secundum artem Tabellæ vel Rotulæ.

Februum intermittentium reliquias profligant.

TABELLÆ DE CHALYBE.

℞. Sacchari albissimi ——— unciās viginti.

Clarificato & sufficienter cocto sensim admisce
Limaturæ Ferri præparatæ ——— unciās duas.

Adhibita convenienti agitatione circa finem adde
Cinnamomi pulverisati ——— unciām semis.

Fiantque secundum artem Tabellæ vel Rotulæ.

Aperiendi vi pollent ac roborandi.

TABELLÆ ANTHYSTERICÆ

SIVE

DIACYMINI.

℞. Specierum Diacymini ——— unciās duas.

Sacchari albi ——— libras duas.

Clarificato Saccharo, & ad debitam consisten-
tiam cocto, Species inter agitationem admisce, ut
fiant secundum artem Tabellæ vel Rotulæ.

Eodem ordine procedes, quoties ex aliis Specie-
bus in propria Classe recensitis Tabellas vel Rotu-
las parare volueris; quin etiam Species illas eun-
dem in usum adhibere poteris, ex quibus Confe-
ctiones, sive Electuaria molliā componuntur. Hinc
Tabellæ istæ a quibusdam Electuaria, sive Confe-
ctiones solidæ appellari solent.

TA-

TABELLÆ ANTHELMINTHICÆ

SIVE

CONFECTIO ENECANS VERMES.

℞. Seminum Portulacæ,
 Brassicæ,
 Nigellæ,
 Citrei,

Rhabarbari,

Corallinæ,

Santali rubri,

Seminis Sancti, — ana drachmam unam,

Cinnamomi,

Radicum Dictamni albi,

Cornu Cervi usti, — ana scrupulos duos,

Rosarum rubrarum — drachmam semis.

Pulverifatis omnibus & commixtis, cum

Sacchari albissimi — unciis sexdecim

in Aqua Cardui Benedicti dissolutis fiat secundum
 artem Confectio in Rotulis vel Tabellis.

*Lumbricis adversantur : puerisque ea molestia ut plu-
 rimum tentatis vel ad curationem, vel ad præcautionem
 conducunt.*

Dosis a drachma una ad drachmas duas.

O

TA-

TABELLÆ DE PAPAVERE
SIVE
DIACODION SOLIDUM.

℞. Seminum Papaveris albi ——— unciam unam.

Contunde ut decet, & cum sufficienti quantitate Aquæ Tussilaginis emulsionem extrahe secundum artem: dissolve in ea

Sacchari albissimi ——— uncias octo.

Coque ad consistentiam Manus Christi, & effunde in Tabellas vel Rotulas.

Contumaciori tussi vexatis solatium præstant.

TABELLÆ DE ALTHÆA

SIVE
CONFECTIO PAPALIS.

℞. Pulpæ Radicum Althææ secundum artem extractæ ——— uncias quatuor;

Sacchari albissimi ——— libras duas.

Saccharo ad Manus Christi spissitudinem cocto misceatur Pulpa, seu Cremor per setaceum trajectus; & post iteratam coctionem projiciatur massa supra tabulam Oleo Amygdalino inunctam, ut fiant ex arte Tabellæ vel Morsuli quadrati.

Pituitam incrassant, ac tussim leniunt.

TA-

TABELLÆ DIATRAGACANTHI FRIGIDI.

℞. Specierum Diatragacanthi Frigidi — uncias duas,

Sacchari candi purissimi subtiliter pulverisati
— libras duas.

Subigantur omnia simul commixta cum sufficiente quantitate Mucilaginis Tragacanthi, & fiat massa; ex qua formentur Tabellæ vel Rotulæ leniter sic-candæ.

Phtisicis & hæmoptycis conveniunt.

TABELLÆ BECHICÆ DE GLYCYRRHIZA.

℞. Radicum Glycyrrhizæ — unciam unam & semis,

Althææ ————— drachmas decem,

Specierum Diatragacanthi Frigidi, detractis se-minibus, — unciam semis,

Sacchari candi purissimi ————— libras duas.

Pulverisatis omnibus subtilissime, cum Mucilagi-ne facta ex

Tragacanthi ————— drachmis duabus,

Aquæ Rosarum,

Florum Citrei, — ana uncia una & semis,

fiant secundum artem Tabellæ vel Morluli sine igne.

In raucedine ac tussi ad faucium asperitatem demul-cendam plurimum conferunt.

O 2

MOR-

MORSULI DE SUCCO GLYCYRRHIZÆ.

R̄. Succi Glycyrrhizæ ————— uncias duas,
Sacchari candi purissimi ————— uncias quatuor.

Facto omnium pulvere, cum sufficienti quantitate
Mucilaginis Tragacanthi fiant secundum artem Mor-
suli sine igne.

Conveniunt cum Tabellis proxime descriptis.

PASTILLI DE CATECHU

SIVE CACHOU.

R̄. Catechu ————— drachmam unam,
Sacchari candi purissimi ————— unciam unam.

Subtiliter pulverisata cum sufficienti quantitate
Mucilaginis Tragacanthi redige in massam, cui su-
peradde


Olei Cinnamomi ————— guttas duas.

Et fiant secundum artem Pastilli sublinguales.

*Ad tussim catarrhalem, ac diarrhoeam; & ad pra-
vum balitum oris emendandum.*

Ita ex aliis pulveribus, & iusta Sacchari portione,
cum Mucilagine Tragacanthi fieri solent Morsuli
ac Rotulæ sine igne.

TA



TABELLÆ PURGANTES.

TABELLÆ DIACARTHAMI

NICOLAI FLORENTINI.

℞. Medullæ seminum Carthami optime contusæ
— unciam semis,

Conservæ Cydoniorum ——— uncias duas,

Mannæ electæ,

Mellis Rosati Solutivi, — ana drachmas tres.

Dissolve in

Sacchari clarificati, & ad Manus Christi consistentiam cocti — unciis quindecim.

Rursus coque, si opus fuerit, ad humiditatis consumptionem: sedato calore insperge quæ sequuntur optime pulverisata:

Specierum Diatragacanthi Frigidi

— unciam unam,

Diacrydii ——— drachmas quinque,

Turpethi ——— drachmas duas,

Zingiberis ——— drachmam unam.

Misce, & fiat Confectio supra marmor cylindro tenuanda, ac in Tabellas scindenda.

Biliosos humores ac pituitosos dejiciunt.

Dosis a drachmis duabus ad drachmas quatuor.

TA-

TABELLÆ DE RHABARBARO.

R̄. Rhabarbari subtiliter pulverisati — unciam semis,
 Sacchari albissimi — unciis quatuor.

Dissoluto Saccharo in sufficienti quantitate Aquæ
 Florum Citrei, fiant secundum artem Tabellæ vel
 Rotulæ.

*Alvum leniter evacuant: stomachi & hepatis vitiiis
 medentur.*

Dosis a drachmis duabus ad drachmas sex.



CLAS-

-AT